



Ingerlatsisut soqutigisallit
CC: Aalisarnerq pillugu Siunnersuisoqatigiit

Tunumi 2023-mi saarullinnut suluppaakkanullu pisassiissutininik neqeroortitsineq

INGERLATAQARTUNUT SOQUTIGISALINNUT

Naalakkersuisut martsip 30-anni 2023-mi aalajangerpaat avataasiortunut saarullittassiissutit 5.515 tonsit kiisalu suluppaakkat 406 tonsit soqutigisalinnut suliaqartunut tamanut neqeroorutigineqassasut Aalisarsinnaanermut akuersissutit pisassiissutillu pillugit Namminersorlutik Oqartussat nalunaarutaat nr, 47, 18. december 2020-meersumi § 19 naapertorlugu akuersissutinillu tunniussinissamut piumasaqaatinik atugassarititanillu arlalinnik piumasaqaatitalinnik.

Suliaqartut pisassiissutininik soqutiginnikkunik avataani aalisarnissamut qinnuteqaammik immersugassaq sullissivik.gl-imi immersorneqassaaq. Taakku saniatigut paasissutissat piumaneqartut Aalisarnermut Piniarnermullu Naalakkersuisoqarfimmut uunga apn@nanoq.gl nassiunneqassapput ima qulequtserlugit: **"Tunumi 2023-mi saarullinnut suluppaakkanullu pisassiissutininik neqeroortitsineq"**.

Qinnuteqaatit Aalisarnermut Piniarnermullu Naalakkersuisoqarfiup tigoreersimassavai kingusinnerpaamik ulloq 4./5-2023.

Naalakkersuisut taassuma kingorna qinnuteqaatit suliarissavaat.

Pisassiissutit pillugit paasissutissat kiisalu neqeroornissamut piumasaqaatit naammassisassallu ataani allaqqapput kiisalu ilanngussaq 1-miillutik.

Pisassiissutissiissutit pillugit paasissutissat

Naalakkersuisut decembarip 15-anni 2022-mi ataatsimiinnerminni aalajangerpaat Tunumi avataani saarullittassiissutit 7.515 tonsit aamma suluppaagartassiissutillu 406 tonsit illikartinniarlugit. Tunumi saarullittassiissutit 5.515 tonsit aamma suluppaagartassiissutit 406 tonsit neqeroorutissatut.

Saarulliit

Saarulliit 5.515 tonsit aqutsiveqarfinnut ukununga ima agguarneqarsimapput:

Aqutsiveqarfik:	Pisassiissutit tonsinngorlugit
Ikkannersuarmi Dohrnimi	5.000
Kujataata Kitaa aamma Tunup Kujataa	515
Pisassiissutit katillugit	5.515

*Aqutsiveqarfiit assingi ilanngussaq 1-itut ilanngunneqarput.

Aqutsinissamik pilersaarut

Naalakkersuisoqarfiup maluginiaqqussavaa Tunumi Kujataanilu avataasiortunut saarullinnut aqutsinissamut pilersaarut atuummat malinneqartussaallunilu.

31-03-2023
Suliap normua: 2023 - 7263
All. nr. 22930294

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

Aqutsinissamut pilersaarut uaniippoq: [Aqutsinissamut pilersaarutit \(naalakkersuisut.gl\)](http://aqutsinissamut.pilersaarutit.naalakkersuisut.gl)

Suluppaakkat

Saarullinniarnermi suluppaakkanik saniatigut pisaqanngitsoortoqartanngimmat Tunumi suluppaagartassiissutit saarullittassiissutitut naapertuuttumik agguarneqarput. Taamaammat saarullinnut 5.515 tonsit suluppaakkanullu 406 tonsit pisassiissutit neqeroortitsineqarpoq. Pisassiissutit amerlanernik pisaqartoqarpat saniatigut pisaqartarnermut malittarisassat naliginnaasut atuutilissapput.

Suluppaakkat taakku 406 tonsit Tunumi tamarmik aalisarneqassapput, tassa ICES-imi sumiiffinni XIVa + IXVb (14a+b), ICES-imut assingi takukkit ilanngussaq 1-imi.

Misiligitunik tiguisarnissamut piumasaqaat

Naalakkersuisoqarfiup maluginiaqqussavaa aalisakkanut taakkununga marlunnut tunngatillugu misiligitissanik tiguisoqarnissaanik piumasaqaateqarmat. Ilanngussaq 2 takuuk.

Pisassiissutitut neqeroorsinnaanermut piumasaqaatit

Pisassiissutit tunineqarnissamut ilaassagaanni Naalakkersuisut piumasaraat ataani piumasaqaatit suliaqartut soqutigisallit naammassisimassavaat:

- Ingerlatseqatigiiffik aalisarneq pillugu inatsisartut inatsisaat nr. 18, 31. oktober 1996-imeersoq piginnittuunermut angallammullu tunngatillugu naammassinnissimassaaq,
- Angallat qinnuteqaassutigineqartoq Kujataani angerlarsimaffeqassaaq,
- Pisassiissutitut qinnuteqaat nassiunneqassaaq aalisariummut paasissutissat ilanngullugit qinnuteqaammut immersungassaq sullissik.gl aqqutigalugu: [Avataasiorluni aalisarnissamut akuersisummik qinnuteqarneq \(sullissivik.gl\)](http://avataasiorluni.aalisarnissamut.akuersisummik.qinnuteqarneq.sullissivik.gl)
- Tunumi tunisassiorfimmik pilersitsinissaq ingerlatsinissarlu qulakkeerneqassapput,
- Qulaani immikkoortoq naapertorlugu suliniutitut pilersaarut atorsinnaasoq nassiunneqassaaq makku ilanngullugit:
 - Saarullinnut 5.515 tonsit suluppaakkanullu 406 tonsit aalisarnissamut pilersaarut,
 - Pisanut angallammillu ingerlatsinissamut missingersuutit,
 - Nunami tunitsivissamik sanaartorniarnermut piffissamut aningaasalersuinissamullu pilersaarut, kiisalu
 - Sinerissap qanittuani pisassiissutit tunineqartussat naatsorsuutigineqartut kiisalu tunitsivimmi sulisussat naatsorsuutigineqartut,
- Nutaamik tunitsivimmik sanasoqassappat imaluunniit tunitsivimmik pioreersumik alliliisoqassappat aalisarneq pillugu Inatsisartut inatsisaanni § 22a malinneqassaaq. Taamaammat Nukissiorfinnit uppersaatinik ilanngussisoqassaaq tunitsivimmut pisariaqartinneqartut pilersuinissamut uppersaasumik kiisalu tunitsivimmut nutaamik atorineqartussamik

kommunit nunaaminertamik tunineqarsimanissaq. sullissivik.gl-imi
paasisaqarnerugit: [Nunami tunisassiorfimmik pilersitsinissaminut qinnuteqaat
\(sullissivik.gl\)](https://nunami.tunisassiorfimmik.pilersitsinissaminut.qinnuteqaat.sullissivik.gl)

- Tunisassiorneq pillugu kiisalu tunitsivimmi suliffissanik pilersitsinermut tunngasut qinnuteqaammut Naalakkersuisunut nalunaarusiornissaq piumasaqaataassaaq,
- Siunissami aamma ingerlatseqatigiiffik Kujataani tunitsiviliusaaq tassungalu tunngatillugu suliniummut pilersaarummik nassiussisoqassalluni,
- 2023-mi pisassiissutiniq tunineqarneq Tunumi tunitsiviliorinissamik tunngaveqassaaq,
- Saarullinnut 5.515 tonsinik pisassiissutit 25 %-ii Nunatsinni nunamut tulaassassanngortinneqassapput, taamaammat pisassiissutit sumut tunineqassanersut pillugit pilersaarummik nassiussisoqassaaq, aamma
- Siunissami pisassiissutiniq tunineqarnissamut Tunumi tunitsivimmiq pilersitsisimanissamut ingerlatsinissamullu piumasaqaammik naammassinnissimanissaq tunngavigineqassaaq.
- Pisassiissut selskabimiit selskabimut allamut nuunneqarsinnaanngillat


Maluginiarneqassaaq Naalakkersuisut Aalisarneq pillugu inatsit kiisalu aalisarnissamut akuersissuteqartarneq pisassiissuteqartarnerlu pillugit Nalunaarut malillugit pisassiissutit ukioq ataasikkaarlugit tunniussisarmata. § 19-imut tunngatillugu neqerooruteqartitsinermi uanisut akuersissutiniq tunineqarnissamik piumasaqaateqarpat 2024-mut akuersisummik tunineqarnissamut taakkununga aamma naammassinnittoqarsimassaaq.

Piumasaqaatinut tunngatillugu uppersarsaatit piumasarineqartut naammassineqarsinnaanngippata, uani saqqummiussami, qinnuteqartoq pisassiissutiniq tunineqarsinnaanngilaq. Taamasilluni pisassiissut Selvtiremut utertinneqassaaq.

Neqeroortitsinermut tunngasunik apeqqutissaqartoqarpat uunga nassiunneqassapput Aalisarnermut Piniarnermullu Naalakkersuisoqarfik, apn@nanoq.gl

Ilanngussaq 1: Tunumi Kujataanilu avataasiorluni saarullinniarnermi aqutsiveqarfiit pillugit aamma Tunumi suluppaaganiarfinnut asseq.

Kalaallit Nunaata Kitaata kujataani Tunumilu saarullinnik aqutsiveqarfiit



Suluppaagarniarnissamut ICES-imi immikkoortut sumiiffiit XIVa + XIVb

